



NAMA

KELAS



JABATAN PENDIDIKAN NEGERI PULAU PINANG
MAJLIS PENGETUA SEKOLAH-SEKOLAH PULAU PINANG

PEPERIKSAAN PERCUBAAN SPM 2026

1103/1

TINGKATAN 5

BAHASA MELAYU

Kertas 1

2 jam

Dua jam

JANGAN BUKA KERTAS SOALAN INI SEHINGGA DIBERITAHU

1. *Kertas peperiksaan ini mengandungi dua bahagian : Bahagian A dan Bahagian B.*
2. *Jawapan hendaklah ditulis di dalam buku jawapan yang disediakan.*
3. *Jawapan boleh ditulis dalam tulisan Rumi atau Jawi.*

Kertas ini mengandungi 4 halaman bercetak.

1103/1@2026 Hak Cipta Jabatan Pendidikan Negeri Pulau Pinang

BAHAGIAN A
[30 markah]

Soalan ini mesti dijawab.

Petikan dan grafik di bawah menunjukkan maklumat berkaitan dengan perhimpunan sekolah.

Huraikan pendapat anda tentang kebaikan-kebaikan perhimpunan sekolah kepada murid sekolah.

Panjangnya huraian hendaklah antara 150 hingga 200 patah perkataan.

**SPI.BIL. 4/1984:
PERHIMPUNAN
SEKOLAH**

1. Perhimpunan sekolah hendaklah diadakan pada tiap-tiap minggu persekolahan dan dianggap sebagai satu majlis rasmi di peringkat sekolah.
2. Perhimpunan sekolah pada hari pertama minggu persekolahan adalah digalakkan.

*Cantik sungguh si bunga melati,
Jadi hiasan di taman saujana;
Tugas digalas sepenuh hati,
Lahirkan pemimpin bijak laksana.*

Nukilan: Cikgu Ayu

Mengapakah kita perlu menghadiri perhimpunan sekolah?

Saya rasa perhimpunan sekolah diadakan untuk melatih kita menjadi murid yang lebih berdisiplin.

ANJUMAN
BERSOLAH KERANGSAHAN

Bahagian B

[70 markah]

Bahagian ini mengandungi empat soalan. Jawab satu soalan.

Tulis sebuah karangan yang panjangnya antara 350 hingga 500 patah perkataan.

✕

Semangat kejiranan semakin pudar dalam kalangan masyarakat kini. Menurut Ketua Perangkawan Malaysia, Datuk Seri Dr. Mohd Uzir Mahidin, hampir sejuta rakyat Malaysia didapati tidak pernah bersemuka dengan jiran-jiran dalam tempoh sebulan. Hal ini akan menyebabkan perpaduan negara musnah dalam sekelip mata. Oleh itu, usaha mengukuhkan semangat kejiranan haruslah dipupuk dalam memastikan semangat kejiranan terus dipelihara. Usaha ini akan dapat ditingkatkan dengan penubuhan Kawasan Rukun Tetangga (KRT).

Sumber : www.kosmo.com

Selain usaha yang dinyatakan dalam petikan di atas, huraikan usaha-usaha lain untuk mengukuhkan semangat tersebut.

2.

Amalan kitar semula kini kurang diterapkan dalam diri masyarakat kerana masyarakat pada hari ini lebih mengamalkan sikap tidak menghiraukan alam sekitar. Kebanyakan barangan yang boleh dikitar semula dibuang dan dibakar begitu sahaja. Bagi mereka, amalan kitar semula ini hanya membuang masa dan tidak mendatangkan sebarang kepentingan. Ibu bapa mendidik anak-anak tentang amalan kitar semula dikatakan salah satu langkah yang berkesan.

Sumber : www.blogspot.com

Huraikan langkah yang dinyatakan dalam petikan berserta langkah-langkah lain untuk menyuburkan amalan tersebut.

3.

Isu pengabaian warga emas kian meruncing kerana semakin ramai golongan tersebut terpaksa tinggal bersendirian tanpa perhatian dan kasih sayang daripada keluarga. Tinjauan Kebangsaan Kesihatan dan Morbiditi 2025 (NHMS 2025) mendedahkan bahawa 18.8 peratus warga emas di negara ini tinggal bersendirian. Keadaan ini berlaku berpunca daripada kesibukan bekerja, kurang penghayatan agama dan masalah kesihatan warga emas itu sendiri.

Sumber : www.bharian.com.my

Berdasarkan petikan di atas, huraikan punca-punca tersebut.

4.

Laporan Agensi Antidadah Kebangsaan 2025 menunjukkan hampir 60 peratus daripada 193 000 kes penyalahgunaan dadah yang dilaporkan di Malaysia melibatkan golongan belia berumur antara 15 hingga 39 tahun. Masalah penyalahgunaan dadah kini semakin rumit apabila sumbernya datang daripada individu yang dikenali seperti jiran, saudara, malah kenalan keluarga sendiri. Walau bagaimanapun, isu penyalahgunaan dadah mampu diatasi sekiranya semua pihak memainkan peranan masing-masing.

Sumber : www.bernama.com

Huraikan peranan-peranan tersebut.

KERTAS PEPERIKSAAN TAMAT